

61337/P [P7]
DISSERTATIO MEDICA
INAUGURALIS,

DE
CLYSTERE:

QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIAE EDINBURGENAE PRAEFECTI;

NEC NON.

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

JOANNES DIAPER, ANGLO-BRITANNUS.

—Peragit tranquilla potestas,

Quod violenta nequit. —

CLAUD.

Ad diem 11 Junii, horâ locoque solitis.

EDINBURGI:

Apud HAMILTON, BALFOUR, et NEILL.

M,DCC,LIV.

PLUTARCH

HUGON

GOVERNMENT OF THE DISTRICT OF COLUMBIA

DEPARTMENT OF THE DISTRICT OF COLUMBIA

OFFICE OF THE DISTRICT COMMISSIONER

WASHINGTON, D. C.

RECEIVED

APR 10 1906

FILED

RECORDS

316706

APR 10 1906

RECEIVED

APR 10 1906

RECEIVED

APR 10 1906

RECEIVED

APR 10 1906

RECEIVED

APR 10 1906



ILLUSTRISSIMO

HUGONI

COMITI DE MARCHMONT;

VICECOMITI DE BLASSONBERRY;

BARONI DE POLWART, REDBRAES, ET GREENLAW;

Amplissimae Rei Politicae apud SCOTOS
Curiae, PRAESIDI;

Ex sedecim Satrapis, ad publica Comitia
habenda delegatis, UNI; &c.

*S*ummae tuae, vir insignissime, erga me
benevolentiae memor, primitias hasce studiorum
grati animi tesseram volo. Patronum, inter
opuscula dicanda, tergeminis tollere honoribus,
coeloque locare, moris esse sat scio; sed quia

Sumite materiem vestris, qui scribitis, aequam
viribus——

*utroque pollice meritò laudatur, tuas fileo
laudes. Valeas, diuque populo laetus intersis,
faxit Deus Opt. Maximus.*

INTERNATIONAL

CONFERENCE

ON THE HISTORY OF THE

INDIAN NATIONS

AND THE

INDIAN NATIONS

AND THE

INDIAN NATIONS

Digitized by the Internet Archive

in 2018 with funding from

Wellcome Library

DISSERTATIO MEDICA

INAUGURALIS,

DE

CLYSTERE.

SUMMOS in medicina honores ambiens, de Clysmatibus verba facere, nec indignum, nec abs re fore, existimavi.

CUJUSLIBET liquoris per anum injectio Κλυσμα vel Κλυσμη dicitur, a Κλυζω, Ενεμα ab Ενιημι, vel *Lotio*, a *Lavando*; quo vocabulo CELSUS saepius gaudet.

DE hujus operationis origine nil certi proditum est. Ægyptiis autem, apud PLINIUM *, ascribitur; qui observantes avem quandam, *Ibin* dictam, vel humoribus plus aequo collectis, vel ventre pigro laborantem, intestina sua (rostro in anum immisso) marina perluere aquâ, in enemata inciderunt. Sed, ex hacce fabella anili, clysmatum ori-

A ginem,

* Lib. viii. cap. 27.

ginem, PLINIUM, aequae ac hodiernos, latuisse liquet. Forsit ipsa cum medicina prope invaluit. HIPPOCRATES, caeterique antiquissimi medicinae scriptores, clysmata plurimi faciunt. Sed nonnullos ex hisce auctoribus locos prolaturus, ubi de usu clysterum in morbis acutis mox differam, nihil est, quod nunc temporis in iis morer.

QUONIAM vero in intestina crassiora statim abeunt clysmata, ibique plurimos suos edunt effectus; situm eorum structuramque leviter attingere, operae pretium erit.

PAULO supra os dextrum innominatum, et infra ejusdem lateris renem, terminatur intestinum ileum. Plurimi auctores anatomici (praeparationibus ficcis, ut dicuntur, forte nimium confisi) valvulam insignem, membranaceam, coli dictam, intestini orificium operientem, depingunt: sed toto errant coelo; ileum enim, transverse, vel paulo sursum tendens, et inter coli fibras musculares disjunctas receptum, in ejus cavum hiat; tunicae vero utriusque intestini internae, conjunctae, annulum formant, crassum satis, prominentem, pylorum omnino referentem, nisi quod actione fibrarum
coli

coli muscularium compressus, rimae longae, transversae, internè, instar ani, rugosae, formam induat. Ex utroque hujus rimae fine oritur plica insignis, crassa, ex interna intestini superficie eminens, et per longum satis spatium decurrens ; plicae hae a MOR-GAGNIO * fraenula valvulae coli dicuntur.

AB orificii hujus parte inferiore pendet saccus ille capax, rotundus, caput coli, vel caecum dictus, in cujus sinistram partem, prope fundum, appendicula vermiformis mucum evomit ; a superiore vero, colon ante renem dextrum ascendens, et ei annexum, hepar attingit, et sub felle vesicula transiens, flavedine biliosâ plerumque inquinatur ; postea, primae intestini duodeni flexurae adjungitur ; et exinde, prope magnam ventriculi curvaturam decurrens et in hypochondrio sinistro retrorsum tendens, lieni alligatur ; hinc iterum descendit, et cum renis sinistra facie anteriore quoque connectitur ; flexurâ sua deinde sigmoideâ, in hypogastrio sinistro, factâ, ante quartam circiter lumborum vertebra, in rectum definit. Rectum vero intestinum primo retrorsum paulo ad ossis sacri cavum vergens,

* Advers. anat. 3.

4 DISSERTATIO MEDICA

vergens, et deinde antrorsum prope coccygem descendens, ad anum terminatur.

PROPAGINE mesenterii, mesocolo dictâ, vertebrae lumborum annectitur colon ; superficies ejus externa, tribus fasciis latis, fortibus, externe ex fibris tendinosis et ligamentosis, interne vero musculosis, constantibus, distinguitur ; harum actione intestinum (cujus longitudinem minime aequant) in saccos, quasi plicis alternis a se invicem divisos, contrahitur, qui cellulae dicuntur coli ; plicae vero in superficie interna prominentes, a valvulis conniventibus intestinorum tenuium haud abludunt ; sed ex omnibus conjunctis intestini tunicis formantur. Fasciae hae, ab appendicula vermiformi oriundae, per totum colon decurrunt, et ubique supra rectum expansae, tunicam musculosam, longitudinalem, crassam ei impertiuntur.

TUNICAE intestinorum crassiorum et tenuium nullo modo inter se discrepant. Extima a mesenterio continuata, tenuissimae telae cellularis interventu, duplici annectitur musculari ; cujus, in colo, fibrae longitudinales in tria ista ligamenta colliguntur,

tur, circulares vero sunt validae. Tres istae tunicae a plerisque auctoribus inter muscularem et villosam depictae, vasculosa scilicet, nervosa, et glandulosa, si inversum infletur intestinum, in unam telam cellulofam crassam abire videntur; quam perrepunt vasa sanguifera ferè innumera, et in qua glandulae mucum secernentes (si revera adsint) locantur. Intima quoque tunica villosa, sic inflato intestino, amissis villis, penitus glabra, splendens, et polita evadit. Cel. Professor noster * anatomicus, tunicam hancce idem cum epidermide esse, luculentissimè demonstravit; quae per totam tubam alimentarem, ab ore ad anum usque, decurrens, ut minus, vel acribus ingestis, vel aëre elastico, ei proximè applicato, laedatur, efficit.

ARTERIAS ab utraque mesenterica accipiunt intestina crassa; vascula minuta ex his arteriis producuntur, et tunicam perforantia villosam, liquorem tenuem, limpidum, effundunt, ad internam superficiem intestini irrorandam, et faeces emolliendas;

* Med. Essays, vol. 4.

6 DISSERTATIO MEDICA

liendas ; in eadem quoque tunica, orificia innumera venosa patent, a quibus subtilissima fluida intus perpetuò resorbentur, et ad venae portarum finem, una cum sanguine ex arteriis redeunte, devecta sunt.

PHYSIOLOGICI fere omnes sibi persuasum habuerunt, intestina haec crassa receptaculi vice solum fungi, ubi reliquiae alimenti faeculentae, et ad usum ineptae, donec anus eliminet, commorantur ; nec ab eis quidquam praeter lympham istam, a venulis meseraicis absorptam, in sanguinem deferri voluerunt. Colon vero, per totum suum decursum, vasis lacteis (etsi non adeo numerosis, ac intestina tenuia) instrui, haud multo ante inventum est ; vasa haecce ab * HALLERO aliisque describuntur, et inter canes disseccandos, (praecipue si morituris clyσμα e lacte recente adhibeatur) apertissimè cernuntur ; † WINSLOWUS quoque in colo humano, coram Academiae Regiae Parisianae Sociis, ea demonstravit. Praeterea, saepissimè apud auctores

* Primil. physiol.

† Exposit. anatom. du corp. humain.

auctores memoriae traditur, aegros solo clysmatum usu diu vixisse. Sic * GARENGEOT de foemina quadam agit, quae, deglutitionis facultate penitus amissâ, dies quatuordecim, clysteribus nutritiis injectis, sustentabatur. Fertur quoque, † HILDANO teste, matronam nobilem, octavum circiter a conceptu mensem, febre acuta decubuisse, quae revalescens nec cibi, nec potûs quicquam in ventriculum admittere potuit: clysmate autem, ex jure caponum ovorumque vitellis parato, indies injecto, vitam non solum sustinuit, sed sine alio quovis nutrimento, mensibus exactis, filiolum sanam, et vegetam in lucem edidit. Se monialem quamdam novisse asserit § RAMAZZINI, quae, vinorum usui plus aequo dedita, pharyngis, vel oesophagi paralyfi correpta fuit, et deglutiendi prorsus incapax per dies sexaginta sex, liquoribus nutritiis (jure scilicet carniû similibusque) in anum injectis, vitae subsidium sibi expedit.

Ex hacce historia, vasa lactea intestinis crassis non deesse, haud temerè (ut mihi

* Operation chirurgique ann. 1691, § 21.

† Obs. chirurg. cent. 4. obs. 30.

§ Histor. constitut. urban.

8 DISSERTATIO MEDICA

mihi videtur) decrevit auctor; chylus enim a vasis lacteis resorptus, priusquam venam adventat subclaviam, maximâ lymphae copiâ diluitur, glandularum mesentericarum actione subigitur, et postea, sensim torrenti quasi refluentis sanguinis infunditur. Si igitur succus ille nutritius, ex alimentis extractus, adeo a natura elaboretur, necesse sit, priusquam sanguini venoso, ad cor mox redituro, admisceatur; minimè aptus videtur, a venis meseraicis resorptus, et ad hepar sine ulla quavis praeparatione delatus, ad circulationem visceris hujus statim perficiendam, ubi ab humoribus lentè progredientibus, obstructionum causae saepissimè oriuntur. Etsi porro venularum harum orificia, lympham, humoresque tenuiores admittant, fluida tamen, quae ad vitam sustinendam, solidaque, vitâ ipsâ detrita, renovanda, sufficiunt, ex particulis adeo crassis, magnisque conflari, ut per tenues istas fistulas transmitti nequeant, admodum verisimile est. Oculatissimus ille * LEUWENHOEKIUS chylum microscopio subjiciens, globulos sanguini rubro

* Vol. I epist. I.

bro aequales vel etiam majores conspicatus est; venulae vero resorbentes certe ita se habent, ut eas sanguinis rubri vel guttulam accipere nefas sit. LOWERUS *, canis vivi thorace aperto, ductum perfregit thoracicum, adeo ut sanguini chylus penitus deficeret; canis vero postea, etsi lautissimè pastus, sensim macrescebat, et, aliquot elapsis diebus, lento cecidit marasmo. Ex hocce experimento, venas meseraicas (horum saltem animalium) non tantum resorbere, quantum vita postulat, liquido patet.

AN vero liquores, per anum injectos, ultra coli caput in tenuia intestina propellere liceat, adhuc sub judice est. Quamvis apud auctores practicos miserorum exempla sint, volvulo laborantium, qui et faeces, et clysmata adhibita per os ejecerunt. Plures hujusmodi narrationes † SENNER-TUS memorat; et apud § HILDANUM triumfit mentio, qui, in hunc morbum delapsi, enemata quaedam immissa, quod ad quantitatem, et qualitatem parum mutata, successivè evomuere. Immo ‡ MATHAEUS

B

DE

* De corde, pag. 226—237.

† Med. pract. lib. iii. pars 2. § 2. cap. 1.

§ Observ. chirurg. cent. 69. obs. 70.

‡ Vid. RIVIERIUS lib. ix. cap. 2. pag. 153.

DE GRADIBUS, puellam quamdam, volvulo correptam, tria suppositoria in anum inducta (quorum duo corpori fortiter alligabantur) ore brevi emisisse, asserit: huic vero historiae mirabili credat Judaeus. Ex partibus anatomiae subjectis, nihil esse constat, quo minus clysmata tenuia intestina ingrediantur. Non multo enim magis valvula (ut dicitur) coli illis enemata, quam pylorus stomacho bilem, intercludit. Certissimis nihilominus experimentis comperimus, quòd, etsi, tubo in ileum intestinum immisso, colon inflare ex facili possimus, aërem tamen ex colo in ileum adigere quam rarissimè licet: subita forsan sacci coli magni distentione froenula Morgagnii a se invicem adeo distrahuntur, ut rimae intermediae latera sibi mutuo applicata orificium ejus penitus obturent: re ita se habente, licet aër transitu prohibeatur; si tamen larga satis liquoris copia sensim et lentè colo infundatur, pars ejus aliqua forsan in intestina tenuia delabi potest. Ter in canis vivi intestinum rectum aquam infudit celeberrimus * HALES, et
bis

* Hamastat. exp. 25.

bis ad pylorum usque penetravit ; sed quia orificium, quo in coli cavum horum animalium ileum patet, longe ab humano discrepat, ex hoc experimento nil pro certo habendum est. Hominum insuper intestina crassa, adeo magna et capacia sunt ; et liquoris copia, unde enemata conflantur, tam parva, ut, nihilo etiam obstante, coli caput (nisi motu peristaltico inverso) vix ei transgrediendum sit.

ETIAMSI intestinorum crassiorum fines clysmata nunquam transeant, quia tamen eadem iis est structura, quae intestinis tenuibus, et ventriculo, et vasis lacteis instruntur ; quodvis fere medicamentum per anum injectum eosdem, sed debiliores, dare effectus, ac si in ventriculum admittatur (excepto quòd cum bile et succo gastrico et pancreatico non commisceatur) a priore colligi potest. Quia paucis adhuc in morbis invaluit enematum usus, experientia ad hoc dogma confirmandum minùs pollet ; non tamen desunt practicum observationes, unde summam saltem probabilitatem sibi conciliat. Ægyptios clysterem e marjoranae decocto, et oleo laurino, inter

ter arcana in quartanis habere; et nonnullos hacce injectione, ter solum repetita, ad sanitatem reductos se vidisse, * PROSPER ALPINUS memorat. † HERCULES SAXONIA quosdam hypochondriacos, prope conclamatos, clysmatum usu amarorum anti-hysteri-
corum revaluisset, affirmat. Febres intermittentes cortice peruviano, per anum injecto, profligandas esse vult ‡ HELVETIUS; et apud § ALBRECHT quinque aegri hac ratione sanati sunt. In || EPHEMERIDIBUS GERMANICIS exemplum extat delirii, a decocto seminis hyoscyami injecto, orti. Opium clysteribus immixtum, somnum, et vini spiritus ebrietatem inducit: sic quoque cathartica alvum cient; immo (uti volunt nonnulli) emetica vomitiones concitant. Hoc affirmat ** AVICENNA: et †† JAMESIUS maniaco cuidam, ventrem quam maxime astricto, qui medicamenta omnia pertinaciter respuerat, mellis helleborati unciam,

* Med. method. lib. vi. cap. 3.

† Praxis med. lib. i. cap. 16.

‡ Traçtat. de curat. intermittent. sine internis inhibitis.

§ Miscell. natur. curios. dec. 3. ann. 3. obs. 12.

|| Decur. 3. ann. 9. 10, pag. 178. in appendice.

** Can. med. lib. i. § 4. cap. 17.

†† Med. diction. art. enema.

ciam, sub clysmatis forma, iniecit, unde fortiter evomuit ; quod postea eodem cum successu repetitum fuit. * SENNERTUS quoque vitri antimonii grana tria suppositorio immiscuit, quae non solum, ut alvum aeger dejiceret, sed et ventriculum bis vomitu exoneraret, efficere. Exemplis vero his allatis forsitan objicietur, ab actione sola medicamenti in intestinorum tunicas hos effectus emanare : sed nonnunquam inest sua gratia clysmati, ubi a pharmaco in sanguinem resorpto, et ibi vires exerente, auxilium solummodo pendet. Unicum sufficiet adduxisse testem. † Celeberrimus Professor noster anatomicus in gangraenis, ulceribus mali moris, et variolis malignis, cortice peruviano (quem ob insignem ejus amaritiam, vel aliam quamlibet causam, per os accipere aegri noluerunt) sub clysmatis forma ex voluntate usus est : et hacce quidem ratione, faecibus lotione laxante prius eductis, quidlibet fere medicamenti in corpus commode inducere licet.

VIRIUM igitur varietate, medicamentis e quibus conflantur (et ex omnibus fere pharmacis

* Med. pract. lib. i. pars 2. cap. 23,

† Med. essays vol. v. pag. 8.

macis fieri possunt) non cedunt enemata. Sed de omnium usu et effectibus agere, ab instituta mea brevitatem alienum, neque quidem hujus loci est; de materia enim medica, potius quam clysmatibus, talis procederet dissertatio. Quoniam vero in morbis acutis eorum praecipue versatur usus, et emollientia (scilicet quae liquores nullo saltem insigni stimulo gaudentes in se admittunt) etsi omnium simplicissima, hisce in morbis a caeteris palmam longe praeripiunt, et omnes edunt enematum effectus, qui a medicamento injecto non pendent: ad eorum igitur usum in hujusmodi solis morbis tractandum me accingam.

Imo, In febre inflammatoria ardente, corde ocius se contrahente, et sanguinis velocitate aucta; humores citato rapti cursu altius elaborantur, et in acrimoniam magis vergunt alcalinam; ex aucto quoque ad vasorum latera attritu intenditur calor, quo fluidorum tenuissima dissipantur, reliqua vero inspissata, condensata; per arteriarum fines (pulmonum praecipue et encephali) aegre transeunt: hinc difficilis fit respiratio,
et

et functiones vitales, naturales, et animales, plusve, minusve, perturbantur.

IN hoc corporis statu, si crassa intestina faecibus inferciantur, quid, quaeso, sperandum? Reliqua viscera abdominalia, mole sua auctâ, in minus compriment spatium; compressa vero officiis suis rite fungi, et sanguinem per vasa expedire, nequeunt; non sine magno molimine contrahitur diaphragma, et respirationi liberae augentur obstacula; intestina quoque, sic faecibus turgida, et aortae arteriisque iliacis incumbentia, sanguinem eas percurrentem impediunt; qui majore copiâ in caput caeterasque superiores corporis partes, nimis antea distensas, adiget, donec tandem delirio, comati, caro, vel et ipsi apoplexiae forsan succumbat aeger.

TOT tantisque malis hocce in morbo, sola sua mole, et pondere, ansam prebent faeces accumulatae: praeterea vero in intestinis paulo diutius retentae a calore loci putredinem pessimamque ducunt acrimoniam; internam intestini superficiem perpetua irritatione hinc vexantes, febrim augent, et tormina, spasmosque dolentissimos excitant.

Particulae

Particulae quoque earum tenuissimae, fluidissimae, in sanguinem prae subtilitate continuo abreptae, putrido humores miasmate inquinant. Ex fonte tam pravo, quaenam clades non fluere possit ! ingravescent pessima symptomata ; nascuntur alia nova ; et febris in initio inflammatoria, maligna evadit, et lethalis. Quum vero in hujusmodi febribus semper minuantur secretiones tenuiores, minor humoris, emolliendis faecibus inservientis, copia in intestini cavum depluit ; fluidissimis igitur sic assidue resorptis, reliquiae in duram, crassam, siccam coeunt glebam, quae ibi haeret immobilis, donec, inter morandum acerrima evadens, intestinum adeo stimulet, ut natura, hostem expellere summopere nixa, diarrhoeam excitet, quae interdum non solum faeces, sed et miserum ipsum, fractis jam morbo viribus, è medio tollit.

PLURA etiam mala ab eadem causa provenire forsan possunt ; sed necessitatem alvum solvendi, et intestina crassa exonerandi, supradicta satis monstrant. Cathartica ore hausta, vel clysmata injecta, hoc efficiunt : prioribus vero in morbis hisce non
bene

benè creditur ; pro viribus enim stimulo suo (et cathartica non possunt non stimulare) ventriculum et intestina irritant, febrimque intendunt : nam si sanissimo homini medicamentum ministretur purgans, durante pharmaci actione, sitis major, velocior pulsus et febricula supervenient : praeterea, horum usu non solum faeces eliminantur, sed et liquoris in intestina secreti augetur copia, quo sanguis, antea nimis densus, fluidissimis suis orbatur partibus, et magis inspissatur. Finitâ quoque cathartici operatione, alvus (uti observavit DE GRAAF *) plerumque tardior fit, et fortiore, quam antea, constipatione laborat aeger. Neque quidem proposito nostro (crassa intestina nempe evacuandi), aequè ac enemata, inserviunt ; in ventriculum enim et intestina tenuia solummodo agunt, nec crassa, nisi enervatis viribus, attingunt ; unde non medicamenti actione, sed liquoris superne elicitæ transfluente rivo, eluuntur faeces. Clysteres contrà emollientes (nam de his solum hic dicendum est) in crassa intestina immediate appulsi, faeces emolliendo, diluendo, in-

C

testinum

* De clysteribus.

testinum humido tepore relaxando, ejusque parietes lubricando, alvum leniter sollicitant, nec minima cum molestia corpus exonerant; nullo etenim stimulo pollentes, nec tormina, spasmosve excitare, nec febrem augere, nec humores inquilinos in intestina derivare, nec quicquid, faecibus exceptis, eliminare valent. Eximios simplicis hujus actionis effectus pulchrè confirmat experientia; horrenda enim ista jam recitata symptomata, intra horam post talem injectionem, vel multum diminuta, vel et prorsus debellata, haud raro videre licet; succurritur aegro, caput ejus sublevatur, abit delirium, libera fit respiratio, pulsus sedatur, et anxias multorum dierum vigilias perpeßum blandus saepe excipit sopor.—Per totum morbi decursum, lotionem subinde sic alvum subducamus, oportet: febricitantes quidem vix ullo alimento solido vescuntur, et inde, uno alterove enemate injecto, iis ulterius uti vix opus esse videretur; faecibus jam satis purgatis, nec novis accedentibus. Bilis vero, succus pancreaticus, caeterique humores gastrici et intestinales, secerni pergunt, et in tubi alimentaris cavum nunquam non depluunt:

pluunt : horum partes faeculentae, et ad corpus iterum ineundum ineptae, (talesque adeste particulas, ex meconio, quo recens natorum colon et rectum semper inferciuntur, patet) in crassa intestina sensim delabuntur, ibique congestae commorantur : his quoque reliquiae fluidorum, quae bibunt aegri, superveniunt ; nullibi enim liquor est (aquâ solum exceptâ) corpori humano adeo amicus, ut totus in sanguinem abeat : ex hisce igitur causis etsi vix tantâ copiâ colligantur faeces, ut vel mole, vel pondere, multum noceant, è bile tamen, caeterisque humoribus inquilinis ut plurimum constantes, quam citissime putrescere incipient, et nisi brevi eliminantur, acrimoniam, pessima symptomata inducturam, acquirent.

In febribus hisce, dissipatis humorum fluidissimis, vel minuuntur vel nullae sunt secretiones tenuiores ; arefcit cutis, et fauces, internaue ora tenui isto naturali rore orbata, viscidâ tenacique crustâ obducuntur ; ventriculi et intestinorum structurâ, à faucibus non discrepante, ea quoque eodem affici modo, par est. Crustam igitur hanc morâ quoque putrescentem, quamprimum ablucamus,

amus, necesse est. Potus aquosi tepidi repetitis vicibus hausti copia ventriculum et intestina superiora liberare fortasse possit; nunquam tamen in crassa pertinget intestina: morbo enim resorptionis vi aucto, a lacteis venisque absorbentibus prorsus abripietur. Clysmata vero blandè saponacea votis optimè respondent; crustam enim hanc fordidam felicissimè abluunt, et intestinum simul foventia, humorum per vasa ejus minima circuitum promovent, febrimque ex parte minuunt.

LIQUORIBUS emollientibus sic in anum injectis, alvum subducere, faecesque eliminare, medicis antiquissimis visum fuit.

*HIPPOCRATES in libro suo de ratione victus in morbis acutis, de febribus, una cum ventris pigritia, agens, si faeces in crassis intestinis collectas esse certis indicibus constet, vel clyisma immitti, vel glandem supponi, pro aegri viribus, jubet. Urinâ quoque sub febris initium tenui redditâ, cathartica prohibentur, et enemate solo utendum est. Si dolor, tumor, vel inaequalitas praecordiis sit; si latus cum tussicula doleat,

leat, vel tormina ventri adsint; alvum clysteribus solvamus quam maxime oportet. In angina, si sanguine effusus missus debilis evadat aeger, enema tertio quoque die injiciatur. * Sic quoque, ab initio ad quartum quintumve peripneumoniae diem, alvus per clysmata fiat laxior; si vires deficient, ita solum exhibenda sunt, ut neque hinc sputus cohibeatur, nec illinc febris in pejus ruat.

† ARETAEUS CAPPADOX, inter acutos morbos curandos, ut faeces lotionem emollientem, scilicet malva, faenugraeco, similibusque, subducantur, fere semper suadet.

‡ ASCLEPIADES, (testante CELSO) tametsi in febribus a catharticeis prorsus abhorruit, enemata tamen multum prodesse censuit; et, de eorum usu differens, ne uno alterove plura injiciamus, cavendum esse ait “ nec; ante diem tertium, alvum
“ duci, nec ulla cruditate substante, nec in
“ corpore infirmo, diuque in adversa valetudine exhausto, nec in eo, cui satis
“ alvus reddit quotidie, quive eam liqui-
dam

* De morbis, lib. III. §. 6. p. 463.

† De curat. morb. acut. lib. I. cap. I.

‡ Celsus, lib. II. cap. XII. lib. III. cap. IV.

“ dam habet, nec in ipso accessionis im-
 “ petu, quia quod tum infusum est, alvo
 “ continetur, regeſtumque in caput multo
 “ gravius periculum efficit.” Regulas quo-
 que nonnullas, ad comparanda et immittenda
 clyſmata ſpectantes, ſubnectit.

* CELSUS hiſce in praeceptis Aſclepiadi
 aſſenſus eſt; ſed vel cathartica aſſumpta,
 vel enemata immiſſa, ad febrim debellan-
 dam, raro eſſe efficacia ſe credere ſubjicit.

Ex ſententiis jam allatis conſtare videtur,
 illos medicinae patres, eoſdem, ſed mitiores,
 effectus, a clyſmate emolliente injecto,
 quam ab hauſto cathartico, ſperaffe. Si
 igitur alvum ſubducere neceſſe eſſet, et ad
 aegri debilitatem, vel quodvis aliud, catharti-
 ca male quadrarent; eorum vice enemata
 fungebantur: et eadem de cauſa, vel aegro
 multum conſecto, vel morbo ad criſin appro-
 pinquante, enematum etiam uſum, ne
 evacuatione febrim nimis minuerent, vel
 naturae ſalutari molimini obſtarent, omnino
 noluere. Sed nil erat, quod hoc metue-
 rent; nil etenim clyſteres emollientes prae-
 ter faeces ſubtrahunt; immo non ſolum cor-
 pus

* Locis prius citatis.

pus humoribus suis non spoliant, sed ad febrim debellandam, contrario prorsus effectu, optumè faciunt. Sanguis nimium condensatus, inspissatus, ipso est pro morbo; praemissa igitur debita evacuatione, sanguinem hunc diluere, aptumque ad ramos aortae arteriaeque pulmonalis minutissimos transfundendos reddere, et febrim tollere, juxta habeo. Huic vero indicationi summè respondent enemata aquosa; eorum enim ope quamlibet liquoris copiam cum humoribus commiscere licet; nam si injiciatur aquae tepidae libra, interdum ne vel guttula, sed plerumque paucae solum unciae per anum redeunt; reliquae vero, vel a venis meseraicis, vel vasis lacteis resorptae, in sanguinem illico devehuntur. Si sic se res habeat, non est ut aegrum enemata haec insigniter debilitent; et accedenti, vel instanti crisi favere potius, quam obstare, videntur: ac procul dubio, cum tuto iis uti liceat, utpote quae faeces alvinas, sordesque intestinorum placidè educant, et ad morbum sanandum adeo faciant; saepius quam moris est, hisce in febribus ea adhibere, operae pretium erit.

PRAETER

PRAETER aquam, in rerum natura dilu-
ens non reperitur ; ex ea igitur enematum
jam laudatorum basis necessario constat. Li-
bram, vel etiam majorem aquae tepidae co-
piam, per se injici, medici celeberrimi haud
raro jussere ; sed sanguis noster in morbis in-
flammatoriis, phlogistico peccans lentore,
aquae purae miscelam respuit, et vix ea di-
lui potest : etsi enim larga ingurgitetur co-
pia, nil boni plerumque praestat, sed brevi
e corpore iterum per renes, vix mutata, e-
jicitur. Medici, hanc ob causam, liquo-
res blanda, saponacea, antiseptica vi pollen-
tes aegris summa cum prudentia potan-
dos semper exhibent : ex iisdem quoque
clysmata certe comparanda sunt ; sic enim
non solum sanguinem feliciter diluunt, sed ad
tunicam villosam lubricandam, ejusque sor-
des abluendas, aptiora redduntur. Hujusmo-
di sunt cerealium, et herbarum, seminumque
emollientium decocta ; amygdalarum dul-
cium emulsiones ; succus fructuum horaeo-
rum aquâ probe dilutus ; hydrogala, lactis
serum, et similia. Hydromel vero, uti
mihi videtur, caeteris jure praeponitur ;
mel enim est sapo vegetabilis, blandus, acies-
cens,

cens, attenuans ; et ut oleosa fere omnia, vel etiam resinosa, si probe conteras, aquae misceantur, efficit : in sanguinem igitur resorptum, quod per aquam facile fit, lentorem ejus phlogisticum dissolvit, liquore diluente eum intime miscet, et insigni vi antiseptica humorum putredinem, vel acrimoniam alcaliscentem penitus avertit. Nonnulli quidem, ob idiosyncrasiam, minimâ mellis assumptâ copiâ, diarrhoea, torminibusque corripuntur ; sed, ut apud cel. * HUXHAMUM, perpauci sunt ; et a † cocto et despumato melle tales effectus fere semper absunt. A salibus neutralibus attenuantibus, spiritu scilicet Mindereri, tartaro regenerato, solubili et similibus, clysteribus hisce commistis, aliquid boni forsitan expectandum erit.

2do, MORBI isti acuti, quibus pars solummodo corporis inflammatione afficitur, et quod ad naturam, et medendi rationem, cum febribus inflammatoriis prorsus congruunt : clysmata igitur haec injecta, illis, ac his, aequè proderunt : interdum alia etiam auxilia ministrabunt.

D

IN

* De febribus pag. 200.

† Vid. CHEYNE English malady pag. 292.

IN ea anginae inflammatoriae specie, quâ morbus, vel in pharynge, vel in musculis deglutationi inservientibus, sedem suam collocavit; si vel fluidissima per oesophagum demittere conetur aeger, contractione musculorum quasi convulsiva, intolerabilis excitatur dolor, et inflammatio augetur; ventriculo quoque inflammato, adeo irritabilis fit tunica ejus interior, ut liquores blandissimi ingesti vomitu periculosissimo iterum citò rejiciantur: in his, aequè ac in aliis morbis inflammatoriis, sanguinem diluamus, necesse est; sed in utroque casu, potum, debita saltem copia, assumere aegri omnino nequeunt; ad clysmata igitur descripta decurrendum est; quae sanguini humorem diluentem, et, si paulo fiant meraciora, corpori quoque nutrimentum blandum suppeditant.

QUANTUM boni in inflammationibus foci emollientes, ad partem applicati dolentem, afferant, nemini non notum est: fibras tenfas humido lenique calore relaxantes, dolorem leniunt; et saepe, si parva et recens sit obstructio, vasa minuta adeo dilatabilia reddunt, ut sanguinis a tergo arietantis

tis impulsu, per ea materies impacta adigi, morbusque penitus solvi, possit. Colon vero et rectum, decursu suo, ventriculum, hepar, lienem, pancreas, renem utrumque, omentum, in foeminis uterum, et in viris vesicam urinariam attingunt, intestina quoque tenuia, et mesenterium fere circum-eunt: inflammatis igitur hisce visceribus, vel etiam peritonoeo aut diaphragmatis parte, clysteres hi injecti non solum solitos suos edunt effectus, sed, instar fotûs vel potius vesicae aquâ tepidâ plenae, ipsi parti affectae impositi, agentes, morbo adhuc magis inimici evadunt. Et alia quoque ratione, in hepatitide juvant; omne enim, qualecunque sit, ex intestinorum cavo a venis meseraicis resorptum ad hepar illico pervenit; ope igitur horum clysmatum, et particulae faeculentae acres, a venarum oculis abiguntur, et liquoris blandè resolventis copia insignis ad ipsam inflammationis sedem, recto tramite, devehitur. Sic minuitur suppurationis periculum, cui, ob teneram ejus adeoque friabilem structuram, viscus hoc, prae aliis, subjicitur, ex qua semel orta, mala plurima, sanatu semper difficillima, originem ducunt.

3tio, IN nullo autem morbo clysmata haec emollientia felicius, quam in variolis, rem gerunt ; morbus hicce a primordio, donec absoluta sit pustularum suppuratio, febris est plane inflammatoria sui generis, quae parvulis abscessibus, in cute formatis, semper judicatur ; idem igitur a clysteribus auxilium in hac, quod in aliis febribus inflammatoriis, expectare licet. Immo majori videntur esse usui, quia variolosi, ex opio vel diacodii syrupo assumpto, alvo plerumque strictiore laborant. Auctores vero multi nominis, quibus ipse celeberrimus * SYDENHAMUS consentit, enema post primas pustulas injici omnino vetant, ne materiei morbosae ab exterioribus, ad interiores nobilioresque corporis partes, revulsio ejus actione inducatur. Si clyisma quidem sit catharticum vel stimulus (quo plerumque usus fuit SYDENHAMUS), metuentum est ; sin emolliens, nequaquam : vel enim a stimulo irritante, vel humorum evacuatione, omnis revulsio pendet ; nec verò intestina irritant clysteres laudati, nec corporis humores educunt, sed liquorem e contrario blandum, antisepticum, quo nil suppurationi

* De variolis ann. 1667—68.

suppurationi amicus, sanguini suppeditantes, pustulas felicissime maturant. Sed quid plura? ut alia medicamenta, ita liquor diluens in crassa intestina injectus, idem, quod in ventriculum admissus, valet: estne igitur, cur a potu diluente revulsionem suspicemur? minime; nec magis quidem a clysmate emolliente. Sed ut faecibus intestina stimulentur, ne nimis deficiat febris, interdum oportere forsan obijcietur; si tamen stimulo revera opus sit, cardiaca multa, stercoris putridi effluviis, certiora nobilioraque, naturae languenti, materia medica praebet.

TAM morbillis caeterisque febribus inflammatoriis exanthematicis, quam huic variorum stadio, clysmata, pari jure, conveniunt.

PERFECTA suppuratione, tenuissimae puris partes venulas, quae in pustularum cavum hiant, intrantes, sanguini admiscuntur, et febrim istam vere putridam, quae variolas semper claudit, excitant. Particulae hae in pulmones, statim post resorptionem, adactae, ejusque vasa minutissima non expedite transeuntes, haerent; unde peripneumonia

ripneumonia maligna, saepe lethalis, oritur. Dum in hoc loci res est, quodcunque vel febrim stimulo intendit, vel acri miasmate humores inquinat, vel liberae respirationi obstat, morbo vim addere sponte patet. Faecum igitur congestio, utpote quae pessima fecum adfert, prorsus est vitanda; praecipue quum his, non modo pustularum in primis viis, si adsint, exuviae, sed et materiei purulentae pars, naturae nisu, in intestinorum cavum expulsa, accedant. Clysteres emollientes subinde repetiti non solum congestionem hancce praecavent, sed resorpti (praesertim si acida quaelibet antiseptica, ventrem minus stimulantia, iis pro re immisceantur) putrescentem sanguinis quam maximè corrigunt indolem. Catharticis verò in hoc morbi stadio, etsi a nonnullis laudantur, periculum subest: primas vias quidem probe eluunt, non solum vero humorum fluidissima simul eliminant, sed, feбри quoque actione eorum auctâ, vis resorptionis et puris in sanguinem delati copia pari jure adaugentur. Profligato morbo, et resorptionis metu summoto, ad reliquias e corpore depellendas meritò adhibentur; sed, feбри adhuc

huc vigente, nocere potius quam prodeffe videntur.

DE usu enematum emollientium in febre hac putrida variolosa, fupradicta ad alias quaslibet febres putridas et petechiales fpectant ; immo et in ipfa peste fati forfan valerent.

4to, ETSI febres lentae nervosae et morbi inflammatorii jam memorati longe diverfa fint, et diverfam sibi expetant medellam ; non tamen in his enemata emollientia nihili funt. Mente fere femper labefactata, morboque haud raro ad putridam vergente indolem, faeces in intestinis coacervatas aegris effe incommodo planè conftat : fanguis quoque viscofitate quadam et lentore, etfi non phlogiftico, procul dubio peccans dilutionem poſcit ; fed cùm delirantes potum quemlibet pertinaciter faepe refpuant, vice ejus clyſteres injecti ſoli non poſſunt non fungi. Interea, quia in hacce febre pulſus parvus, debiliſque eſt, et natura ad hoſtem ſuum expugnandum ferè inepta videtur ; pluris forſan eſſet, cum clyſteribus medicamenta iſta, cardiaca dicta, commiſcere, quae vim vitae excitant, firmant, et
intestina

intestina quoque irritantia a capite revulsionem, deliriique lenimen conciliare possunt; sed quia de his nihil usu comperit habeo, nihil pro certo dicere aufferim.

LIQUORIS copiam simplici vice injiciendam pro re nata variare, medici est. Si vel faeces alvinas expurgare, vel fordes intestinorum abluere in animo sit, majore liquidi copia, (lb. i. scilicet, vel lb. i. fs,) et citius et certius res transfigitur; si clysteribus retinendis sanguinem diluere velimus, minor (e. g. un. viii. x. vel xii.) votis melius succedit: liquore enim multo simul injecto, etsi omnis stimuli expers sit, intestina tamen ejus mole irritantur, et certa fere desidendi cupido oritur; aut si forte fortuna totus resorbeatur, vasis sanguiferis hinc subito nimium repletis, e corpore iterum per renes, vel cutem, vix mutatus mox expelletur. Parva e contrario copia ab aegro vix sentitur, facillimèque retinetur, et subinde repetita, vasa humoresque rivo influente non obruit, sed leni et constante transfluxu, ut venae absorbentes semper pateant, et sanguis aequabiliter diluatur, efficit.